



CÉAD PHRÍOMHCHATHAIR EORPACH NA TURASÓIREACHTA CLISTE – DO CHATHAIRSE?

—
BILEOG EOLAIS





CÉAD PHRÍOMHCHATHAIR EORPACH NA TURASÓIREACHTA CLISTE – DO CHATHAIRSE?

Ar aon dul le gníomh ullmhúcháin a mholann Parlaimint na hEorpa, tá comórtas á lainseáil ag an gCoimisiún Eorpach chun an teideal **Príomhchathair Eorpach na Turasóireachta Cliste a bhronnadh**. Tabharfaidh an tionscnamh úrnu seo luach saothair do chathracha Eorpacha mar aon leis an deis chun a gcleachtais eiseamláireacha mar cheannphointe turasóireachta cliste a chomhroinnt.

Taispeánfaidh an tionscnamh an méid atá bainte amach ag ceannphointí turasóireachta ar fud an AE sna réimsí seo a leanas:

INBHUANAITHEACHT

DIGITIÚ

**AN OIÐHREACHT
CHULTÚRTHA AGUS AN
CHRUTHAITHEACHT**

INROCHTAINÉACHT

Bronnfar an teideal **“Príomhchathair Eorpach na Turasóireachta Cliste 2019”** ar an dá chathair a léiríonn na réitigh is éirimiúla, is nuálacha agus is cuimsithí i ngach ceann de na réimsí thuasluaite.

Bronnfar Duaiseanna sa Turasóireacht Chliste Eorpach ar cheithre chathair eile as éachtaí a dhéanamh sna catagóirí aonair atá liostaithe thuas.

Déan iarratas ar líne tríd an suíomh Gréasáin SmartTourismCapital.eu roimh an **30 Meitheamh 2018** ar 16:00 Am Lár na hEorpa.

CAD TÁ I GCEIST LEIS AN TIONSCLAMH SEO?

Is é an turasóireacht an tríú gníomhaíocht shocheacnamaíoch is mó san AE agus tá ról ríthábhachtach aige i dtaca le forbairt agus poist. Mar sin féin, d’fhéadfadh an earnáil sin a bheith i bhfad níos mó dá ndéanfaí eispéiris cuairteoirí a fheabhsú, comhpháirtíochtaí agus deiseanna nua comhair a chruthú chomh maith le nuáil i gcathracha agus réigiúin na hEorpa a neartú.



Trí dhuiséanna a bhronnadh as cleachtais eiseamláireacha sa turasóireacht chliste trína mbaintear leas as an gcumas neamhúsáidte seo, féachann an tAontas Eorpach le spreagadh a thabhairt don nuáil agus do réitigh chuimsitheacha sa turasóireacht inbhuanaithe agus inrochtana, turasóireacht atá cliste ón taobh digiteach a chur chun cinn agus neartú a dhéanamh ar ról na dtionscal oidhreachta, cultúrtha agus cruthaitheacha mar shócmhainní turasóireachta.

Cabhróidh an tionscnamh seo chun próifíl na hEorpa a mhéadú mar cheannphointe turasóireachta agus chun ardán a shocrú trína gcomhroinnfear dea-chleachtais i réimse na turasóireachta i measc chathracha na hEorpa

PHRÍOMHCHATHAIR THURASÓIREACHTA CLISTE – CÉN SÓRT CATHRACH Í?

Do chuspóirí an chomórtais seo, sainmhínítear cathair thurasóireachta cliste mar chathair:

- atá ag cur réitigh nuálacha, cliste agus cuimsitheacha i bhfeidhm i réimse na turasóireachta
- a úsáideann a caipiteal críche sóisialta agus daonna chun an earnáil turasóireachta a fhorbairt, saibhreas a chruthú don chathair agus caighdeán saoil níos fearr a thabhairt do mhuintir na cathrach
- a thairgeann eispéireas saibhrithe saincheaptha turasóireachta trí bhuntáiste a bhaint as sócmhainní áitiúla, meas a léiriú ar phobail áitiúla agus páirt a thabhairt dóibh sa turasóireacht
- a éascaíonn teacht ar sheirbhísí agus táirgí turasóireachta trí na nua-theicneolaíochtaí, an in-idirnascaíocht agus in-oibrítheacht seirbhísí

Ar aon dul leis an méid thuas, beidh príomhchathair Eorpach turasóireachta cliste:

- **inrochtana:** inrochtana go fisiciúil do thaistealaithe a bhfuil riachtanais speisialta rochtana acu, beag beann ar aois, staid shóisialta nó eacnamaíoch, agus míchumas. Insroichte gan dua ar chóiracha éagsúla iompair agus córas sásúil iompair a bheith ar fáil sa chathair.
- **inbhuanaithe:** ag obair chun an timpeallacht agus acmhainní nádúrtha a chaomhnú agus a bhreisiú agus forbairt eacnamaíoch agus soch-chultúrtha a choimeád ar siúl ar shlí chothromaithe.
- **digiteach:** ag cur eolas turasóireachta agus fáilteachais, táirgí, seirbhísí, spásanna agus eispéiris nuálacha ar fáil, atá oiriúnaithe do riachtanais tomhaltóirí i bhfoirm réitigh agus uirlisí digiteacha bunaithe ar ICT.
- **cultúrtha agus cruthaitheach:** trí úsáid sheiftiúil a bhaint as an oidhrecht chultúrtha agus as tionscail chruthaitheacha ar mhaithe le heispéireas saibhrithe turasóireachta.



CÉN FÁTH ARBH FHIÚ DO DO CHATHAIRSE IARRATAS A DHÉANAMH AR BHEITH AR CHÉAD CHATHAIR EORPACH NA TURASÓIREACHTA CLISTE?

Deis uathúil a bheidh i dteideal **Phríomhchathair Eorpach na Turasóireachta Cliste 2019** chun cumarsáid spriocdhírthe agus tacaíocht bhrandáilte a fháil ar feadh bliana ó shaineolaithe. Eagrófar gníomhaíochtaí leathana cumarsáide chun na cathracha seo a chur ar mhapa cheannphointe na turasóireachta cliste agus beidh siad feiceálach mar cheannródaithe na turasóireachta cliste san AE.

Mar thrófaí, gheobhaidh na cathracha seo dealbhóireacht mhór idirghníomhach a shuífear i láthair na cathrach mar chomhartha ar a ngealltanais i leith turasóireacht atá **INBHUANAITHE, INROCHTANA, DIGITEACH** agus **CULTÚRTHA**.

I measc buntáistí eile, breiseofar na gníomhartha promóisin le físeán gearr léirithe ina dtaispeánfar éachtaí na cathrach agus le taispeántas le linn an tSearmanais Duaiseanna sa Bhruiséil.

I gcás an dá chathair a ainmneofar mar **Phríomhchathair Eorpach na Turasóireachta Cliste 2019**, eiseamláirí a bheidh iontu do cheannphointí turasóireachta eile ar fud na hEorpa, breiseoidh siad a bpróifíl mar cheannphointe taistil as leanfaidh méadú ar líon na gcuairteoirí agus fás eacnamaíoch dá bharr.

CÉ A FHÉADANN IARRATAS A DHÉANAMH?

Tá an comórtas ar oscailt do chathracha:

- atá suite i mBallstát AE
- a bhfuil 100,000 duine ar a laghad ina gcónaí iontu – sna tíortha sin nach bhfuil cathair de 100,000 áititheoir iontu, beidh an chathair is mó incháilithe le cur isteach.

Féach an Guide for Applicants chun mionneolas a fháil ar na critéir cháilitheachta a bheidh le comhlíonadh.

CONAS A ROGHNÓFAR NA BUAITEOIRÍ?

Lainseálfar glao ar iarratais in Aibreán 2018. Sa tréimhse réamhroghnúcháin, déanfaidh painéal saineolaithe neamhspleácha gach iarratas bailí a mheas i gcomórtas le sraith shocraithe critéar duaise. Tiomsóidh an painéal gearrliosta de 10 gcathair ar a mhéad, agus iarrfar orthu a n-iarrthóireacht a chur i láthair Ghiúiré Eorpach sa Bhruiséil. Roghnóidh an Giúiré dhá chathair mar Phríomhchathracha Eorpacha na Turasóireachta Cliste. Anuas ar sin, bronnfar Duaiseanna don Turasóireacht Chliste Eorpach ar na ceithre chathair a ghnóthaíonn na marcanna is airde i ngach ceann de cheithre chatagóir an chomórtais.

Féach an Guide for Applicants chun tuilleadh eolais a fháil ar riachtanais an iarratais agus ar an gcóras meastóireachta.



PRÍOMHDHÁTAÍ

Lainseáil an chomórtais: **Aibreán 2018**

An lá deiridh le haghaidh iarratas: **30 Meitheamh 2018 roimh 16:00 Am Lár na hEorpa**

Tréimhse mheastóireachta: **Iúil 2018**

Fógairt an ghearrliosta deiridh: **Iár Lúnasa 2018.**

Cruinniú den Ghiúiré Eorpach: **Meán Fómhair 2018**

Searmanas duaiseanna & taispeántas sa Bhruiséil de na ceannphointí a fuair duaiseanna: **7 Samhain 2018**

TUILLÉADH EOLAIS:

Léigh **GUIDE FOR APPLICANTS** ar SmartTourismCapital.eu

Déan teagmháil linn trí info@SmartTourismCapital.eu